

EHUKO UDAKO IKASTAROAK

Manuel Gonzalez: «Minbizia duten ia gaixoen erdiak sendatzeko modua dugu»

Ospitaleetan dauden gaixo guztien herenek gaixotasun hori dutela jakinarazi du

Jone Larrañaga / Donostia

«ORAIN dela urte batzuk leuzemia zuten haurrek aste batzuk baino ez zuten irausten. Gau egun, aldiz, haur horien % 98 sendatzen dira», adierazi zuen Gonzalez doktoreak hamarkada hauetan minbiziaren kontrako sendabideak topatzeko izan diren aurrerapenak handiak izan direla jakinarazi nahian. Hala eta guztiz ere, bidea oraindik luzea dela azpimarratu zuen, oraindik sendabide osoa topatzeko dagoe-la.

Gaur egun, minbizia duten gaixoen % 45 inguru sendatzen dituzte ospitaleetan; eta aurki erdiak sendatzea dute helburu. Hain zuzen ere, horretara ailegatzeko behar-beharrezkoak diren aurrerapen berri ematen ari dira atzo Miramar jauregian hasi zen ikastaroan. Mintegia graduatu-ondoko ikastaroen mailakoa da, minbizia duten gaixoei lan egiten duten profesionalen baitago zuzenduta.

Gonzalez doktoreak, ikastaroko zuzendariak, aurkezpen ekitaldian azaldu zuenez, hiru alor jorratuko dituzte egunotan mundu osotik etorri diren adituek: ikerketetan izan diren aurrerapenak batetik, hiru tumore ohikoenen garapena bestetik —birika, bular eta kolonekoa— eta horiei aurre egiteko izan diren aurrerapen terapeutikoak azkenik.

Madrilgo La Paz ospitaleko onkologia zerbitzuburua da Gonzalez, eta bere esperientzia oinarrituta azaldu zuen atzo minbizia duten gaixoen bizi-esperantza nola luzatu den urte batzuetatik hona. «Duela urte batzuk ezin genien ezer eskaini gaixo horiei. «Egun, ebakuntza egiteko moduan izatera heltzen dira asko», azpimarratu zuen. «Eta kirurgiaren ondoren ere asko izaten da egiteko. Askok luza daiteke bizi-itxaropena», gaineratu zuen.

Baina ikastaroko zuzendariak azpimarratu zuen hori guztia bezain inportantea dela «medikuntza antropologikoa», hau da, sendagileok gaixoak sendatzeko ahaleginak ezezik haien sufimendua eramangarri egiten laguntzea. «Horretarako gaude mediku klinikoak, gaixo dauden sufimendua eramangarri egiten laguntzeko». «Eta hori ikerketa oinarritutako, biologia molekularra, botika berriei buruzko ikerketak edota minbiziaren kontrako konbinazio terapeutikoei buruzkoak bezain inportantea da».

Jarraipena eman nahi diote ikastarolari • Gurutzetako erietxean edo Donostiako erresistentzian, esaterako, dauden gaixoen % 33 minbiziak jota daude

Eritetxeetan dauden gaixoen % 33 minbiziak jota daude, eta gaur egun horien ia erdiak sendatzen dira. Hala jakinarazi zuen atzo Manuel Gonzalez Baron Madrilgo La Paz ospitaleko sendagileak 'Aurrepenak onkologian' izeneko ikastaroaren aurkezpenan.



EHUKO UDAKO IKASTAROETAKO BAT.

ANDER GILLENEA

gaur egun. Hala eta guztiz ere, Medikuntza ikasketetan onkologia ikasgaiak ez da orain arte izan fakultateetan.

EHUKO UDAKO ikastaroetan, aldiz, ohikoa da jada minbiziari buruzko ikastaroa. Felix Maria

Goñi Eusko Jaurlaritzako Politika Zientifikoko zuzendari eta ikastaroko koordinatzaileak azaldu zuenez, aspalditxotik ari dira urtero kutso hori antolatzen, eta aurrerantzerako ere asmo bera dute. «Jarraipen bokazioa

dugu, ikastaroa minbiziari buruzko urteroko erreferentzia izatea nahi dugu», esan zuen. Helburu horrekin aurtengo ikastaroko hitzaldi guztiak liburu batean biltzeko asmoa dute udazken parterako.

Egunkariak ziberespazioan

ZIBERESPAZIOAK komunikabideen alorrean sortu duen eredu berria aztertu eta ezagutaraztea da kazetaritza elektronikoiari buruz atzo hasi zen ikastaroaren helburua. Javier Diaz Noci EHUKO Gizarte eta Informazio Zientzietako Fakultateko irakasleak atzoko aurkezpen ekitaldian azaldu zuenez, «Internet sareak izugarritzko garrantzia lortu du, komunikabide elektronikoiak nonahi loratu dira, eta errealitate berria sortu dute alor horretan».

Diaz Nocik atzo goizean hartu zuen parte Kazetaritza elektronikoi ziberespazioaren garapenaren izeneko ikastaroan. Informatika

programek ez dute erabiltzeko zailtasun berezirik, eta, ondorioz, dokumentu elektronikoiak izugarri ugartu dira azken urte hauetan. Dokumentu horien artean, munduko ehundaka egunkariaren berri jakin liteke gaur egun Interneten bidez.

EHUKO irakaslearen arabera, publizitatea da, neurri handi batean, kazetaritza elektronikoi interaktiboaren garapenaren eragilea. «Interaktibitate horrek», zehaztu zuen, «esparru berriak zabaltzen dizkio publizitateari. Iragarkia egiten duenak lortu behar du hartzailak bere produktuari errepara diezaion, eta horretarako produktu horri buruz xehetasun

gehiago ezagutzeko aukera eskaini behar dio». Diaz Nocik azaldu zuenez, auto bat ere etxetik mugitu gabe eros daiteke: «Saltzailak autoaren barrenak eta haren xehetasun teknikoak erakusteko aukera emango dio erosleari, demostrazio praktikoa egin ahal izango du, eta azkenean produktua etxetik bertatik erosteko aukera emango dio».

Baina horrezaz gain, publizitateak paperezko egunkarietan duen garrantzia bera du kazetaren elektronikoetan. «Aurrera egingo badu, publizitatea lortu beste erremediorik ez du», esan zuen Diaz Nocik.

EHUKO irakaslearen arabera, egunkari eta

aldizkari askok aldatu egin behar izan dute euren hartzailak zuten irudia, eta produktu interaktiboak eskaintzen hasi. «Belaunaldi berrietako irakurleak lortu ezin, eta argitalpen askok aldatu egin behar izan dute komunikazio prozesuaz zuten ikuspuntua: mezua hartzera hobe daiteke, ez igortzerakoan. Hori dela eta, produktu interaktiboak hasi dira eskaintzen, bai informazioaren alorrean, bai zerbitzuen alorrean», esan zuen. Ildo horretan, jakinarazi zuen egunkari elektronikoi batean filme kritika bat irakurri, eta, gustukoa izanez gero, filma ikusteko sarrerak lor daitezkeela. X

Ertzaintzak droga sarea desegin du Enkarterrietan

■ Polizia Autonomoak lau lagun atxilotu ditu operazioan

Erredakzioa / Donostia

ENKARTERRIETAKO zenbait herritan aritzen zen narco-trafiko sarea desegin dute Ertzaintzako agenteek. Herri-zaingo Saileko iturriek atzo jakinarazi zuten, lau lagun atxilotu dituzte operazioan, eta hamabost gramo kokaina, heroina eta estasi pilulak atzeman.

Ertzaintzak duela hilabete batzuk hasi zituen ikerketak, eta joan den ostiralean burutu. Festetan droga kontsumoa gehitu egingo zela eta, Balmasedako festetan operazio berezia jarri zuten martxan. Arratsaldeko zortzi eta erdiak inguruan bi pertsona atxilotu zituzten, Guesko 27 urteko gizonakoa bata eta 32 urteko galdakarra bestea. Ertzaintzaren arabera, mezulari lanak egiten zituzten bi horiek.

Gaueko hamaika eta erdietan atxilotu zuten ustez Enkarterrietako droga banatzailea dena, Sodupeko pub baten jabea. Epailaren baitan zutela sartu ziren ertzainak tabernan, eta 14 gramo kokaina, gramo erdi heroina eta estasi pilulak atzeman zituzten han. Ertzaintzak miaketa egiten ari zirela, bi pertsonak laster batean egin zuten ihes tabernatik. Iheslarien autoa Laudion geldiarazi zuten, eta C.J.H.O. ustez sareko burua atxilotu zuten. X

Kalean da jada Lezoko herri aldizkaria

Erredakzioa / Donostia

ORRATX! aldizkariak lehen zenbakia Lezoko etxeetan dagoeneko. Joan den ekainaren amaieran jarri zuten kalean euskara hutsezko aldizkaria, eta jada bigarren zenbakiaren zain dira herri-tarrak.

Aldizkariaren proiektua Siadecok egindako ikerketa soziolinguistikoaren emaitzak ikusi ondoren hasi ziren lantzen Lezon, izan ere, herrian halako komunikabide baten beharra azpimarratzen baitzen. Lan hori aurrera eramateko ardura herriko gazte talde batek hartu zuen bere gain, eta jada lortu dituzte lehen emaitza agerikoak.

Oraingoan, urtean hiru zenbaki ateratzeko asmoa dute, eta aldiro, 2.000 ale banatu dira. Herriarren artean argitalpenak duen arrakastaren arabera erabakiko dute gero, maiztasuna handitu edo ez.

Orratxek herri aldizkariaren ohiko formatoa du, eta Lezoko Udalaren dirulaguntza eta publizitatearen bitartez lortutakoarekin finantziazten da. X